



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Manna Animæ Sev Exercitium Facile Simul Et Fructuosum  
Illis, Qui Quoquo Modo Vacare Orationi Desiderant**

**Segneri, Paolo**

**Dilingæ, 1699**

II. Ego Dominus Deus tuus docens te utilia. Isa. 48. v. 17.

[urn:nbn:de:hbz:466:1-48281](#)

## I. DIE JANUARIL.

est, semper fortis ad sperandum. Quamvis alia quoque est ratio, cur is, qui sperat in Domino, Vit nominetur, quia talis redditur sperando. Et quædemum est fortitudo animi nisi spes? Fortitudinem meam ad te confidiam, quia DEUS susceptor meus es. Ita DEO dicebat David. Sed quis non videt, cum ait: fortitudinem meam, perinde esse, ac si dicat: spem meam.

4. Considera, quis ipem istam fructus sequatur. Nempe contemptus bonorum hujus mundi, quorum aliqua Vanitates, alia Insanæ vocantur. *Vanitates & insanias.* Quibusdam ex his bonis frui licet, & ista nomen merentur Vanitatis, quia nihil firmum & solidum illis subest. Non satiant cor humanum: *Vere mendacium possederant Patres nostri, vanitatem, que eis non profuit.* Jer. 16. 19. Alijs non datur frui absque peccato. Et ista non solum merentur nomen vanitatis sed insanie. Quæ enim major insania committi possit ab hominibus, quam ijs bonis delectari, quæ aliquando vertantur in malum tam grave? næ isti, dum letantur, insaniantur. Sap. 14. 28.

5. Considera, quam vili loco habenda tibi sint eiusmodi bona. Nec aspectu quidem dignanda, ut dicitur: *Non respexit.* Eoque majori causâ,

quod facillimè te possint inescare. Naturales insanæ tales se monstrant, quales revera sunt: sed non ita insanæ mundi, quas morales dicere possumus. Nam istæ ab innumeris pro sapientiâ habentur. Et idcirco, ut discriminentur ab alijs, falsæ, seu mendaces insanæ dicuntur. Eo planè modo, quo majores deceptions vocantur, *Deceptiones falsæ, Incantationes false, Illusiones false*, non quod in se non contineant veram deceptionem, sed quia illam occultant. Itaque nolite oculos ad tales insanias, ne te quoque decipiatur. Sufficiat tibi nōesse esse insanias, quas olim illi ipsi nimium quantum cognoscent, qui nunc pro sapientiâ reputant: *Cure sint ligna inaurata & inargentata, dicebat quondam de Idolis propheta, scient postea, quia falsa sunt.* Bar. 6. 50. Idem dicit potest de his insanij. Sunt modo rectæ, sunt quasi inauratae, & inargentatae. Quid porro? nonne tempus veniet, quod fraudem detegat? audi, quomodo illorum sectatores vociferentur ē profundo inferni: *Ergo erravimus à via veritatis, & sol intelligentie non est orius nobis.* Sap. 5. Nisi quod hi insanis soli tribuant, quod erraverint.

## II.

*Ego Dominus DEUS tuus docens te utilia.* Isa. 48. v. 17.

1. Considera honorem singularem, quo DEUS te dignatur, dum ipse esse tibi vult magister orandi: ibi scholam tibi aperit, in quâ singulari quodammodo te observat, te dirigit, te

instruit, ut dicere de se possit: *Ego Dominus DEUS tuus docens te.* Quando tibi de Cathedris loquitur, ipse fine dubio est, qui te erudit, sed ad modum Praeceptoris publici, qui simul pluri-

## II. D I E J A N U A R I I.

pluribus servit: & cùm in oratione redocet, fit magister tuus singularis & propriis, qualis esse solet Magnatum: proinde quād major hic honor est, quem tibi p̄f̄st: an non ruborem tibi exutus cogitanti, quōd DEUS tantum Majestatis eō usque se demittat? & tamen quomodo scholam hanc amas, quomodo frequentas? quād sedulus es in lectionibus excipiendis?

2. Considera, quales sint istae lectiones, quas DEUS tradere consuevit, non curiosæ, non acutæ, non sublimes, sed utiles: *Ego Dominus DEUS tuus docens te utilia.* Lectiones ordinata ad mortificationem effrenium cupiditatum, ad extirpationem vitiorum, ad exercitium virtutum, ad unionem cum DEO arctiorem obtinendam. Et idcirco hoc esse oportet præcipuum signum, ē quo, an bona sit oratio, liceat estimare. Non lumen, non lacrymas, non quietem, sed fructum, qui in opere resplendeat. Si ex ejus uisu referas plus mortificationis, plus forritudinis, servoris, & conjunctionis cum DEO, certissimum indicium est DEUM esse, qui te docet, et si non semper teneat eundem modum docendi. At si ex oratione nullum capias sanctioris vita profectum, suspecta tibi sit; quia in hac schola omnis speculatio ordinatur ad praxim.

3. Considera, quā ratione Dominus, ut major esset utilitas Magistri, non verbis duntaxarre voluerit erudire sed & exemplis: unde & humanā carnē se induit: *Ego ipse, qui loquebar, ecce adsum.* II. 52. 6. Non est igitur necesse laboriosè circumspicere, ut

veram invenias regulam operandi, quemadmodum veteres Philosophi faciebant. Solum specta, quid Christus egredit in illo particulari negotio, de quo dubitas. Habet illam coram te: *Ecce ades;* omnes aliae regule aut falsa sunt, aut non ita tibi accommodata. Haec promissima: oculos figuramus in operibus Christi: *Erunt oculi tui videntes Praeceptorem tuum.* Is. 30. 20. Nihil accidere tibi poterit, in quo, si attinet meditari soleas vitam Christi, non illi co occurrat idoneum documentum. Unde dicitur, *Tentatus per omnia,* ut scias, quomodo re geras in experimentis, quā DEUS de te sumit, nunc per prospera, nunc per adversa, nunc per ipsos dæmones, qui te infestant.

4. Considera unam esse hujus Magistri prærogativam, quæ non conveniat alteri, videlicet, ut non solum documentum præbeat, sed & capacitate in tribuat: *Intellectum tibi dabo, & instruam te.* Ps. 81. Alij Magistri instruunt equidem, sed non dant intellectum. Ille & doctrinam tibi dat, & simul cum doctrinâ intelligentiam largitur. Vide igitur, quanto studio adire te deceat Scholam tam bonam, Scholam, inquam, Orationis, in quā nemo quantumvis rudis, iners, & idiota non proficit. Non est humilitas sed ignavia, quæ ab illâ sape te avertit. Ceterū non ignoras simplices puellas vitae puritate eō provectas esse, ut in oratione arcana caperent etiam doctis penitus ignora. Quod si adhuc tergiverseris, & abhorreas à Scholâ, quia diffidis posse opere præ-

### III. DIE JANUARII.

4  
stare, quæ mente percipis, scias eam  
esse hujus Magistri excellentiam, ut non  
tantum docilitatem daturus sit ad di-  
scendum, quod modò dicebam, sed  
& vires ad exequendum. In scientiâ  
sua iustificabit ipse justus seruus meus  
multos. Il. 53.ii. Et ubi, quæso, un-  
quam præceptorem vidisti, qui sci-  
entiâ sua justum faciat? monstrat equi-  
dem modum, quo fias, sed non facit,  
ut sis justus. Solus JESUS est, qui  
scientiâ sua iustificat, dum sub ipsum

tempus orationis, quo instruit intel-  
lectum, cordi affectum tribuit, virtu-  
tibus, quas docet, consentaneum,  
compunctionis scilicet, charitatis, &  
propositi eas amplectendi, ut justus  
efficiaris. Ettu non aestimabis Magis-  
trum adeo singularem? Philippus se  
felicem reputabat, quod ea aetate sibi  
natus esset Alexander, quâ illi dare  
posset Aristotelem præceptorem: in-  
gratissimos Christianos, qui felicitatem  
suam ignorant?

### III.

*Va vobis, qui rideatis nunc, quia lugebitis & flabitis. Luc. 6.v. 25.*

1. Considera, quâm justè Dominus  
ad eos severè reprehendat illos,  
qui nimium nunc rident, & que liberè  
vanâ confabulatione, cantru, saltu,  
lusu, Venere delectant, quærentes sem-  
per materiam lærandi. Satis est spe-  
ctare, ubi, quando, & cur rideant.  
Si spectes, ubi rideant; videbis eos  
ridere in Valle lacrymarum, ubi non  
est aliud reperiens nisi miseras, aut sce-  
leras, quæ merito debeat nobis lacry-  
mas ciere saltem ex commiserationis  
affectu erga proximum nostrum: unde  
rectè misera haec terra dicitur *Locus  
fleuentium*. Jud. 2.

Si spectes, quando rideant; illico  
videbis eos ridere præter tempus;  
quia DEUS non præsentem vitam sed  
futurum risibus destinavit. *Tempus  
fleendi*, ait ille, & *tempus ridendi*. Præ-  
cedit planctus, sublequitur risus: illi  
vero tam pulcrum ordinem perver-  
tunt, & quasiverunt noctem in di-  
em. Denique si spectare juvat, cur

rideant, videbis eos ridere de rebus  
potius dolendis: *Lamentur, cum male  
fecerint, & exultant in rebus pessimis.*

Quamò amplius crescit malum,  
tantò etiam crescere tristitiam oportet.  
Et illi alia omnia agunt. Gaudent in  
rebus malis; exultant in pessimis. Ecce  
quâm iniquus hic risus in loco mi-  
seria; in tempore tristria; in operibus  
malitia. Et tu cum illis invidebis!

2. Considera grande supplicium,  
quod his miseriis jam est denuntiatum  
a Christo. *Va vobis, qui rideatis nunc,  
quia lugebitis, & flabitis.* Luctus ad  
animam pertinet, fletus ad corpus,  
sumimè simul affligendos ijs penitus,  
quas apud inferos sustinebunt, una  
damni, altera sensus. Itaque primo  
luctum expende, qui ad animam spe-  
ctat ob pœnam damni. O luctum  
incomparabilem! nemo illum satis æ-  
stimare potest, nisi qui prius intelligit,  
quid sit DEUS. Plurimi in hac terra  
non admittunt solatium, quia primo-

geni-